



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### De Conciliis Generalibus Approbatis Ac Reprobatis Breve Compendium.

Longo, Francesco

Romae, 1624

11. Constantinop[olitanum] II.

**urn:nbn:de:hbz:466:1-10467**



## De Concilio Constantinopolitano II.

Anno Do.  
553.



*Animadu-  
uersio pro  
V. Synodo.*

*Synodus  
vera ubi,  
et qua au-  
thoritate  
coacta.*

Anno Domini 553. celebratum est Cōcilium Oecumenicum Constantinopolitanum II. quod communiter dicitur, *Quinta Synodus generalis*. Sed animaduertendum, hanc non esse eam, quæ sub Agapito, & Menna celebrata est; quæque in tom. 2. Cōciliorum sub nomine *Quinta Synodi* quatuor actionibus continetur: siquidem illa particularis fuit, & *Quintam Synodum* antecessit, vt disertis verbis docet Zonaras in Iustiano, & Nicephorus lib. 17. cap. 9.

Vera autem *Quinta Synodus* coacta est apud Constantinopolim, Vigilio summo Pōtifice



CONSTANTIN. II. 143

tifice, & Iustiniano Seniore Imperatore anno 12. post consulatum Basilij, vt initio eiusdē Synodi legimus, qui est annus Dominicę Incarnationis 553. vel 556. iuxta Psellum, qui annis 102. vult posteriorem esse Quintam Synodum Quarta. *Evagr. lib. 4. cap. 37.*

Conuenerunt Episcopi 165. *Episcoporum numerus in hac Synodo cōgregatorum.* vt idem Psellus tradit: è quibus erant Patriarchæ, Eutichius Constantinopolitanus, Apollinaris Alexandrinus, Dōnus Antiochenus, & Eustochius Hierosolymitanus, qui tamen non per se, sed per Legatos interfuit.

Congregata est hæc Synodus contra Petrum Antiochenum Episcopum Antimum Patriarcham Constantinopolitanum, Seuerum, Theodorum, & Zoaram Episcopos hæreticos *Acta Cōcilij.*

Origenistas: & auctoritate Episcoporum damnatione facta *Damnantur, Origenes & sequaces.*

cta



cta, constitutionem edidit Imperator, qua præfatos quinque hereticos iussit è suis sedibus eijci, iuxta sententiam Agapiti Papæ, & Sanctorum Episcoporum.

4

*Errores autem, qui in Origenis operibus damnantur, sunt sequentes.*

*Origenis, I  
errores dā  
nati.*

**Q**uod Adam post peccatum imaginem Dei prorsus perdidit. *Epiphani. epist. ad Ioannem Episcopum Hierosolym.*

2 Dicebat quoq. Origenes, eodem Epiphanio auctore, animas ante infusionem corporis peccasse, & in pœnam peccati, in corpora, tanquam in carcerem fuisse inclusas.

3 Afferit rursus, nec beatitudinem, nec miseriam, esse perpetua, sed omnium impiorum.

5



CONSTANTIN. II. 145

piorum hominum, ipsorumque etiam dæmonum tormenta finem habitura.

4 Docet quoque inæqualitatem Trinitatis Filij, & Spiritus Sancti: ex quo Pater ille, fons, & origo Arrianorum ab Epiphanio appellatus est: (is enim ferè centum annis præcessit Arrium) de quo loquens D. August. lib. de hæresib. cap. 43. ita ait: Dicit præterea Origenes, quòd filius Dei Sanctis hominibus comparatus, veritas sit: Patri collatus, mendacium: & quantum distant Apostoli à Christo, tantum Filius à Patre. Vnde nec orandus est Filius, inquit, cum Patre, quia non est auctor indulgentiarum petitionem, sed supplicator. Hæc de Origene Augustinus.

*Origenes  
Pater, fons  
et origo A-  
rianorum.*

5 Impingit quoq. Filio igno-

G ran-



146 DE CONCILIO

rantiā, cū ait ( teste E-  
piphānio) Filium non posse  
videre Patrem : nec Spiri-  
tum Sanctum posse videre  
Filium Contra id quod ha-  
betur Matt. 11. *Nemo no-  
uit Filium, nisi Pater; neq;  
Patrem quis nouit, nisi Fi-  
lius, & cui voluerit Filius  
reuelare.*

5 Quòd corpora post resur-  
rectionem iterum erunt  
mortalia, & multis sæculis  
trāsactis in nihilum redi-  
genda.

6 Ad hæc, Cælum, Solem, Lu-  
nam, stellas, & aquas, quæ  
supra cælos sunt, animatas  
& rationales quasdam vir-  
tutes esse dicebat.

7 Quòd in resurrectione cor-  
pora hominum rotunda, &  
orbiculari specie excita-  
buntur.

8 Insuper, quòd pro dæmo-  
nibus quoque Christum  
cruci-



CONSTANTIN. II. 147

crucifigi, atque id ipsum sæpius sæculis futuris pati oportebit à Spiritibus malignis, qui in cælestibus sunt. Quæ omnes blasphemie in hac Synodo damnatæ sunt.

Damnauit quoque Synodus multa in Theodoro Mopsuesteno, quòd diceret, duas esse in Christo personas, Dei, scilicet, & hominis: vnionem Verbi cū natura humana factā esse, nō secundū personā, sed secundum gratiam. Beatissimam Virginem non esse Dei genetricem, sed Christi hominis.

*Damnatur etiam alia ipsorum hæreses.*

Præterea damnauit Synodus ipsum Theodorum, eo quòd dixerit, alium esse Dei Verbum, alium Christum, passionibus animæ, & carnis concupiscentijs vexatum, & à malis infestatum: atque à

G 2 malis



## 148 DE CONCILIO

malis separantem se paulatim : & ita ex promotione operum meliorem effectum : & ex vitæ conuersatione incontaminatum constitutum : tanquam purum hominem baptizatum in nomine Patris, & Filij, & Spiritus Sancti. Et per Baptismū gratiā Spūs S. accepisse, & adoptionem promeruisse : & in similitudinem materialis imaginis adorari in persona Dei Verbi : Et instar Platonis, Epicuri, & Marcionis, qui propria inuenta Secta suos discipulos nominari fecerunt Platonicos, Epicuros, Marcionistas, Christum propriam Sectam instituisse, ex qua vocati sunt Christiani.

Condemnauit itidem Synodus impia scripta Theodoretī, quæ contra duodecim Sancti Cyrilli capitula conscripsit.

Item Epistolam Ibae Episcopi



CONSTANTIN. II. 149

copi Edeffeni ad Marium Per  
sam, in qua Nestorium, &  
Theodorum Mopsuestenum,  
& eorum impia dogmata de-  
fendit, damnatq. duodecim S.  
Cyrilli Capitula, & ipsum Cy-  
rillum hæreticum appellat.  
Vide Zonaram in vita Insti-  
niani, Nyceph. lib. 17. cap. 27.  
& Liberatû in Breuiario, cap.  
23. & 24. qui, vt optimè mo-  
net Bellarminus, cautè legen-  
dus est; quæ enim hic dicit,  
aut sua non sunt, aut ipse fal-  
sa alia relatione deceptus  
fuit. Certè non congruunt  
cum aliorum Catholicorum  
Patrum narrationibus.

Damnatis omnibus paulò  
ante dictis, magnisq; propte-  
rea inter ipsos Catholicos  
excitati motibus, cõmissis in-  
ter se Oriente, & Occidente:  
eò tandem adactus est Impe-  
rator, vt Vigilij monitis ces-  
serit, qui nolebat quidquam



## 150 DE CONCILIO

de his capitulis statui ante Concilij Generalis cognitionem, suumque edictum reuocauerit. Et in Concilij ea de recognituri, (quod fuit hoc Quintum generale) conuocationem consenserit.

In eo tamen studio suarum partium excessit contra Vigilium Imperator, quod conatus sit, solos suæ opinionis aduocare Episcopos, exclusis illis, qui aliter sentirent. Verum & in eo iterum à Vigilio correctus fuit. Et quamuis in hac Synodo non per omnia Vigilio satisfactum fuerit; eam tamen approbando postea Sedes Apostolica, fecit Oecumenici nomen obtinere. Quamquam tum quod de personis potius, quam de fide disputaret: tum quod obtinere non potuerit Romani Pontificis, ne quidem in Legatis suis, presentiam, licet sæpe imploratam,

*Oecumenici nomen  
quare obtinuerit.*



## CONSTANTIN II. 151

tam, supparis vix cum quatuor primis auctoritatis habita fuerit. Romanus enim Pontifex, quamuis Constantinopoli praesens, noluit adesse Concilio, eo quod pauci ex Occidente aduenissent Episcopi, cum tamen causa, quae potissimum tractabatur, controuersa esset inter Orientales, & Occidentales, Ideoque in propria causa Iudices impari lance cōsedissent Graeci.

De Praeside vero huius Concilij quisnam fuerit, variant historici: aliqui enim Menenam Patriarcham Constantinopolitanum praefuisse huic Concilio affirmant, sed auctoritate Vigilij Papae, qui ut dictum est, Constantinopoli tunc erat. Alij verò Eutychem Menae successorem fuisse Praesidem asseuerant. Vtraque sententia habet graues auctores. Nos in nostra Con-

*Praeses Cō  
cilij qsr.*



152 DE CONCILIO  
ciliorum Summa hanc secun-  
dam opinionem amplexati  
sumus.

*Synodus  
hac à plu-  
ribus Pon-  
tificibus ap-  
probata  
fuit.*

Fuit autem hæc Synodus  
probata à Pelagio Papa, San-  
cti Gregorii antecessore, vt  
patet ex illo libro, quem, teste  
Gregorio lib. 2. epist. 36. con-  
scripsit aduersus Schismaticos.  
Eam etiam probauit S.  
Gregorius, lib. 1. epist. 24.  
Leo I. scribens ad Constan-  
tium Imp. Idẽ præstitit Adria-  
nus Papa in epist. ad Nectari-  
um. Et denique à Vigilio  
ipso per libellum. Vide Ni-  
ceph. lib. 17. c. 27. Euagrium  
lib. 4. cap. 37. & nostram  
Summam Conciliorum.

Nec propter hoc de incon-  
stantia, aut alia labe Vigilius  
debet redargui, vt impiẽ fa-  
ciunt hæretici: quia, teste S.  
Gregorio, lib. 3. epist. 37. non  
fuit hic disceptatio vlla de fi-  
de, sed tantummodo de per-  
sonis,



CONSTANTIN. II. 153  
sonis, quæ pro diuersitate  
circumstantiarum, citra pe-  
riculum hæresis, vel etiam  
vllius alterius criminis, quan-  
doque affirmari, quandoque  
negari poterat.

De Concilio Constan-  
tinopolitano III.  
seu de Sexta  
Synodo.



Anno Domini 680.  
& 681. celebrata  
est Sexta Synodus,  
quæ fuit Constan-  
tinopolitana III. & res sic ge-  
sta est. Constantinus Impe-  
rator Pogonatus huius nomi-  
nis, V. summo studio cona-  
tus est, vt Constantinopoli  
Generalis Episcoporum con-  
uentus haberetur, quo dam-  
naretur hæresis Monothelita

Anno D.  
680.

Conuen-  
tus genera-  
lis congrega-  
tur con-  
tra hære-  
sim Mono-  
thelitarum

F 5 rum